



宛陵先生文集卷第四十一

和馬都官憶西湖

送志來上人

温成皇后挽詞

和負上人虎窺泉

種碧映山紅

邵郎中園亭

與正仲遊廣教寺

哭謝公儀學士

和王介甫懷正仲

和季野馬上口占

邵考功遺鱸魚

馬發運求海味

戲呈正仲

春日東齋

吳正仲遺新茶

閑居

和季野見招

和馬都宿縣齋

吳正仲見訪

昭亭潭上別弟

夢後得中道書

送吳季野移蜀靈泉

夜夢蔡紫微

和正仲赤目見寄

雨鷺

夏蟲

秋雨篇

中秋月下懷永叔

寄永叔出守同州

陪馬殿院會疊嶂樓

酒病自責呈馬施二公

寄馬御史

詠懷

荅仲雅上人遺草書并詩

讀吳季野芝草篇

送吳季野

吳季野話撫州潛心閣

詠懷

送毛祕校

鴨脚子

宛陵先生文集卷第四十一

依韻和馬都官春日憶西湖寄陸生

時望前湖倚玉梯雲山橫絕路東西只知遠目窮
芳草不見高人在曲隄西棹尋春應醉去舊朋懷
昔欲蒐迷海邊燕子來無數願託雙飛寄短題

送志來上人往姑蘇謁元曹

折取東橋柳青青向故人欲知問館處要識舊溪
春旋洒銅鉸水休沾野寺塵吳門逢隱者必是漢
名臣

溫成皇后挽詞

輦洛園陵啓函闕鹵部聞素車迎紫氣靈襪度青
雲歌欲傳長恨人將問少君明年賀元日無復繡
衣薰

和貢上人萬松亭虎窺泉

南岡新路平東嶺新亭成嶺上松萬株嶺下泉一
泓松未能鱗老泉曾虎跡行虎去豈不渴松今豈
不生泉無百尺繩安見甘與清松無百歲人安見
千丈滎道人能喻道莫使世人驚我來開醉眼不
似阮步兵

種碧映山紅於新墳

年年杜鵑啼口滴枝上赤今同長弘血三歲化為
碧因移新塚傍顏色照松栢

邵郎中姑蘇園亭

吟愛樂天池上篇買池十畝皆種蓮薄城萬竿竹
嬋娟藤纜繫橋青板舫折腰大菱不直錢鷓鴣灘
鵜沙際眠水從太湖根底穿月出洞庭山上圓公
瑞與客相留連秋風鶴唳春杜鵑斑鱸斫膾紅縷
鮮紫豉煮莼香味全我思白傳在三川吳船雖有
吳饌偏當時九老各華顛裴令來過吟復聯至今
怪石存舊鐫七葉樹蔭黃金田羨公有子勝昔賢

高門通車千萬年

與正仲屯田遊廣教寺

春灘尚可涉不惜濺衣裾古寺入深樹野泉鳴暗
瀑酒盃叅茗具山蕨間盤蔬落日還城郭人方帶
月鋤

哭謝公儀學士

道路傳聞日驚嗟尚復疑疾因勤學得命不與人
期賈誼年傷少相如恨見遲向來公輔器看取李
家知

依韻和王介甫兄弟舟次蕪江懷寄吳正仲

楚客連檣泊晚風吳人江畔醉無窮少陵失意詩
偏老子厚因遷筆更雄貫口信潮千里至平沙落
日一時紅知君兄弟才名大我愧白頭遼水東

依韻和吳季野馬上口占

溪頭三月草菲菲城畔春游惜醉稀莫信杜鵑花
上鳥人歸猶道不如歸

邵考功遺鱖魚及鮓醬

已見揚花撲撲飛鱖魚江上正鮮肥早知甘美勝
羊酪錯把鮓羹定是非

昨於發運馬御史求海味馬已歸闕吳正

仲忽分餉黃魚鱖將曹鮓子因成短韻

前欲淮南求海味緘書未發報還臺陸機黃耳何時至嬰品分傳事按盃

正仲荅云鱖將曹乃是毛魚耳走筆戲之未開悞認其器

折却毛魚一品資吳郎聲屈向吾詩若論鱖子無從著冤氣衝喉亦可知正仲詩云鱖黃鮓子出蘇臺蘇臺非出鮓也

春日東齋

剥剥禽敲竹薰薰日照老耳中無俗聽眼底有閒誇逃筍過幽草吹香到別家吾懷方自得切莫問生涯

吳正仲遺新茶

十片建溪春乾雲碾作塵天王初受貢楚客已烹新漏泄關山吏悲哀草土臣捧之何敢啜聊跪北堂親

閒居

讀易忘飢倦東窓盡日開庭花昏自斂野蝶晝還來謾數過籬筍遙窺隔葉梅唯愁車馬入門外起塵埃

依韻和季野見招

悲憂如路去無程靜節終朝酒自傾咎咎來招為

醉伴西山不使伯夷清

依韻馬都官宿縣齋

常愛陶潛遠世緣
阮家仍有竹嬈娟
夜深風撼蕭蕭響
誰憶北窓人正眠

吳正仲見訪迴日暮必未晚膳因以解嘲
永日無車馬閑坊有竹隣
雨中烏帽至門外
綠苔新不殺雞為具堪
題鳳向人山公識墨在
知我舊來貧

昭亭潭上別弟

從來潭上別先賽
故山祠却入舟中飲
無令盞盡

遲須拚一日醉
便作數年期
落日馬嘶急
岸傍人散時

夢後得宋中道書

四月十九日

宵夢宋子語
晝得宋子書
書意與夢語
曾不異
往初昔我遭家難
逢子亦在廬
我南君大梁
千里非隔踈
念處天地中
天地猶一車
日月為兩轂
星辰隨徐徐
晝夜轉不已
載之將焉如
舟舟趨死鄉
萬古曾無餘
其間乃有夢
覺實夢何虛
何虛亦何實
及盡皆同墟
身世既若此
合離休歎諸

送吳季野太博移蜀靈泉先至犇

蕭蕭替蝨齊老桑林葉更生楚禽多異響蜀棧未堪
行客散岸傍席馬還溪上城過都當有問為語欲
崑耕

至和元年四月二十日夜夢蔡紫微君謨
同在閣下食櫻桃蔡云與君及此再食矣
夢中感而有賦覺而錄之

朱櫻再食雙盤日紫禁重頒四月時
滉朗天開雲霧閣依倚身在鳳皇池
味兼羊酪何由敵豉下莼羹
不足宜原廟薦來應已久黃鶯猶在最深枝
依韻和吳正仲赤日見寄

尋常不病眼青白看人多暫見朱成碧
難逢扁與和金篋舊說在訶子古方磨我自苦
風痺思君那

得過

葛洪治赤日翳膜方訶子一枚以蜜口磨注目中

雨鷲

五月五日

雨燕去還來啣蟲為鷄食雄雌濕已倦
梁棟冷並息綠礎蚍蜉群拾餒蜻蜒翼
穀粟滿京園任從黃雀得

夏蟲

物久必自化化之猶騫騰當看廁中蛆
去作盤上蠅飛聲既混雞斂迹何疑水
寄言涿園吏已知鷓

與鵬

秋雨篇

秋雨一向不解休連昏接晨終窮秋梅生不量仰
天問神官夜夢言語周日月是天之兩目忽然生
翳無藥瘳只知淚澹為赤子赤子豈悞天公憂天
公哭霽霽洒涕落九州地祇不敢安泥濘已沒頭
乃因從容誥神官后稷今在帝所不從前后稷知
稼穡曾以筋力親田疇曷不告帝且輟泣九穀正
孰容其收蚤時不泣此時泣憂民歆活反扼喉神
官發怒髭奮虬下士小臣安預謀恐然驚覺汗交

流樹上已聽呼雌鳩

中秋月下懷永叔

有朋無明月秉燭光強去致有月無樂朋獨酌顏
易醉往年過廣陵公欣來我值期玩秋蟾圓靜掃
庭下地復邀高陽公贖作詩準備特特乃多連後
池風雨至一夜看石屏怛嗟無逸氣今宵皓如晝
千里嗟離異固知理難并把酒遙相寄

當時出月
石屏同詠

聞永叔出守同州寄之

冕旒高拱元元上左右無非唯唯臣獨以至公持
國法豈將孤直犯龍鱗茱萸歆杞人留楚苜蓿方

枯馬入秦訪古尋碑可銷日秋風原上足麒麟

九日陪京東馬殿院會疊嶂樓

誰言天去遠山上有樓臺峯色引谿色共入茱萸
盃行當登泰山雲掃日月開栢鳥與城鳥兩處休
鳴哀

酒病自責呈馬施二公

李白死宣城杜甫死耒陽二子以酒敗千古留文
章我無文章留何可事盃觴況承先子戒宜不着
口嘗昔聞有田實以此相滅亡禮飲不在多歡飲
不在荒二公方逢時安得入醉鄉

宣城馬御史酒闌一夕而西因以寄之御

史嘗留老馬與予僕

三更醉下陵陽峯平明漢上去無蹤又牙鐵鑿謾
橫絕濕櫓不驚潭底龍斷腸吳姬指如筍欲剥玉
將何從短翎水鴨飛不遠那經細雨山重重却
顧舊埽老病馬塵沙塵盡空龍鍾

詠懷

西方有鳥鼠生死同穴居物理固不測孰言飛走
殊雄雌豈相匹飲啄豈相須一為枝上鳴一為莽
下趨苟合而異嚮世道當何如

荅仲雅上人遺草書并詩

經月不出戶堂上多綠苔忽有方外客衣披稻畦
來來從青山下手把紈素裁華草數行字瘦虵起
春雷渴墨未散霧屈角麟欲開裝為兩大軸置我
并瓊瑰懶瞋長鬚奴挂壁不掃埃智未與懷素其
名久崔嵬師今繼此學入神在徘徊未料輒以我
便比和羨梅我心常苦酸得姓何可能

讀吳李野芝草篇

阮生存詠懷羨彼曜朱堂一榮不復枯五色異衆
芳衆芳發朝露俄以斂夕陽丹堊起瓦礫又匪媚

棟梁此稟由至和君子要有常

送吳李野

贈言必有規無規固無言強言苟無補何異秋蟲
喧君行蜀道難不戢治輕軒毋歿未歸土女長未
出門誰能力為此勞苦游牆藩

吳李野話撫州潛心閣

高閣潛心所圖書曝蠹收青山隨宅轉遠水向門
流迤邐者無戢潺湲聽不休一聞秦洞說便欲泛
漁舟

詠懷

一身頭面間所用蓋有長兩耳主於聰兩目主於
光維鼻主於嗅維舌主於嘗以耳辨黑白以目分
宮商以鼻識酸醎以舌聞嗅香各各反爾用安得
無悲傷此能而兼彼自勞由不量寄言世上人欣
欣蹈其常

東方有野父穰田一豚蹄復操一盃酒祝穀滿吾
樓百金請救兵所欲奢所齎彼何滑稽生仰天獨
笑齊

自余居田里未免病與貧常把神農書每以藥物
親處方猶持法義比君使臣但恨無餘資豈及療

我隣華頭不中書聊可備急人昨日除吏來吾邦
為長民欲溺復燃灰敗筆前已陳

風驅暴雨來雷聲出雲背若決千仞溪追奔下天
鎧堂堂亞夫軍吳楚不足碎旱氣沃原田煩蒸洗
闌闌深料生注射聚沫猶壅礙青葱少樹鮮斷殺
虹霓在向晚留霽暉夫容染新黛

送毛祕校宣城主簿被薦入補令

良驥不必大騰羈已超邁良弓不待寒調弦自動
快宣城古大邑聽訟易靜曠君能扶其塞宰與民
共賴自當割雞用刃必無鈍敗嘗聞開元時令長

多賜戒戒石今尚存世異事不背以此贈行行無
酒勿我怪

鴨脚子

魏帝昧遠圖於吳求鬪鴨乃為吳人料重玩志已
匿江南有嘉樹脩聳入天挿葉如欄邊跡子剥杏
中甲持之奉漢宮百果不相駮非甘復非酸淡苦
衆所狎千里竟賚貢何異貴爭噉

宛陵先生文集卷第四十一

宛陵先生文集目錄卷第四十二

八月十五日夜東軒送楊辯青州司理

訪懷賢不遇

游隱靜山

路詠

書席語送馬御史

送李南玉

代寄鴨脚子

秋日家居

昭亭別施度支

潘歙州話廬山

秋日村行

吳正仲遺蛤蜊

送潘歙州

馬都官遺黃柑

酬惠柑子

懷新安潘侯

自和寄潘歙州

避為師和荅獻甫

送李逢原

重送李逢原歸蘇

黃國傳遺銀魚乾

三和寄潘歙州

送天台李令

賽昭亭神

和吳正仲冬至

施君挽歌

杜和州寄新醅

和荅正仲罷飲

送王景憲奉職

讀毛秘校新詩

送允從還廬山

和諸公尋重臺梅

再和正仲

三和戲示

嘉雪應祈

四和正仲

雪

目錄終

宛陵先生文集卷第四十二

八月十五日夜東軒

隔竹已見月清光度谿來移影上素壁與我相徘徊是夜正中秋天地霧露開人疑玉兔出藥杵不生埃嫦娥倚冰輪艷色若自媒它夕豈不好物意為之推

送楊辯青州司理

儒者服褒衣氣志輕王公一落該網中折節長俯躬山東多豪士片言不可窮青土饒嘉棗無以人鈍蒙彼知南楚輕強始必弱終矯志合其情乃是

吾徒通行當問友生為我舉盃空

隱靜山訪懷賢上人不遇

前
松上垂青蔓蒲根瀉碧泉高僧來不見却返五峯

游隱靜山

心在名山久積歲未及遊將過值風雨踞不通馬
牛丁壯四五人籃輦時更休轉谷逢煙火下隰多
田疇偃穰黃豎畝刈麻東盈丘姑覺山門深長松
如騰虬直上百餘尺蒼髯葉脩脩五峯迎人來冷
逼臺殿秋石泉出雲中引入舍下流緣源至崑口

崑底魚可鉤天昏碧溪去果熟青猿偷草樹不盡
識自起詩人羞濺濺澗水淺苒苒菖蒲稠菖蒲蒼
已晚菖蒲茸尚柔靈根采九節試共野僧求逡巡
能致之衰疾無甚憂昔聞有釋子渡江用盃浮棲
心向茲地理骨在林阮駁陰漏斜光徒欲窮巔幽
夜還南陵郭幾落猛虎喉

踞詠

五里十里銷磨盡千蹄萬蹄來往蹤古今不是不
經歷踏破青山重復重

書席語送馬御史

天意漫漫物自供聞香能至是喧蜂野人割蜜不
須盡留與寒脾作御冬

送李南玉

小人貧於資君子貧於時小人富於貨君子富於
辭貧雖同寒飢富不同路彼富歿則已此富名
不移丈夫事百變未死安可期明明趨財利莫卹
前人嗤舉家如春蠶仰食不可遲況念宿債窘何
愧賤士為買臣嘗負薪相如猶滌庖君思此二人
信吾所不欺邇者有趙壹窮憤自興詩乘驥抱美
玉樂與和未知古來鮮逢遇後世無苦悲

代書寄鴨脚子於都下親友

予指老無力不能苦多書書苟過百字便覺筋攣
拘京都多豪英往往處石渠作書未可周寄聲亦
已踈後園有嘉果遠贈當鯉魚中雖聞尺素加餐
意何如

秋日家居

移榻愛晴暉脩然世慮微懸蟲低復上鬪雀墮還
飛相趁入寒竹自收當晚闌無人知靜景苔色照
人衣

昭亭別施度支

昭亭送客地來往四十年常視松端日每稽潭上
煙風移虎旗脚寒入牛童肩待訪名山去相期廬
阜前

潘歙州話廬山

潘侯話廬山落落尤可伏初云江上來遠見雲中
瀑捨舟到雲外觀瀑已崑麓往往逢平田攢攢愛
深木竹門懸徑微源水陰藤覆坐石浸兩腋炎膚
起芒粟夕陽穿萬峰高下相出縮尋常杳不分但
被烟嵐畜絕頂水底荅開謝向淵腹風力豈能加
日氣豈能暎攬之不可得滴瀝空在掬夜昏投僧

居孤燈望溪曲忽聞清磬音漸近幽林屋止使休
多談已滿我心目懷游二十年夢寐今固孰何當
借輕舸一往如飛鷲

秋日村行

谿霧晝又收山村夜初晦飢禽來往飛遠樹青紅
碎原上楚牛童屋頭吳婦碓雞肥酒已熟野老邀
同輩

吳正仲遺蛤蜊

紫緣常為海錯珍吳鄉傳入楚鄉新罇前已奪蟹
螯味當日莼羹枉對人

送潘歙州潘過宣城而送之

一見新安守便若新安江洞澈物不隔演漾心所
降遠指治所山已入隣齋憲捧輿登南嶺榮馬懷
舊邦養親將為壽傾甘抱玉缸觀軍將勞士鬻肥
堆羊腔下車談詩書上世擁旄幢勿窺淵游鱗無
吠夜驚猶他日聞課第天下誰能雙

馬都官行之惠黃柑荔枝醋壺

梁霜胡甘熟烘日荔枝美橘柚未為精葡萄安可
擬郭生始能贊魏文何課比二果皆世珍乃遺及
賤士而復副醇醖或乞自諸已豈唯享遠味終得

為直矣

郭璞贊云厥包橘柚精者唯甘魏文帝記
云南方龍眼荔枝寧北兩國葡萄石蜜

前以甘子詩酬行之既食乃綠橘也頃年

襄陽人遺甘子辨是綠橘今反自笑之

昔辯荊州悞今為越叟迷黃柑與綠橘正似珣珠

圭

新安潘侯將行約游山門寺予以濔淖遂

止因為詩以見懷

蒼山自為門呀豁異鵲鑿路通石壁盡潦起田穉
陷傍嶺有結廬潛潭淨於鑑聞之固欲往久雨濕
泥濫莫陪太守車然諾豈誑賺遙遙橋上去望望

馬猶怯畏滑不肯行非關惜韉鞵

依韻自和送詩寄潘歙州

潘侯擅詩筆五色神授江世家有大勲佐舜同厖
降子孫逢太平少小事書憲源流本慷慨吐論皆
經邦量猶函牛鼎吾徒媿罍缸開口必典實省腹
唯空腔作者過我門應关無戟幢窮老在弊廬何
異守戶犹有心希買交白壁無一雙

避爲師依韻答李獻甫

蛟龍養鬚鬣當在浩浩潯虎豹養文采當在魏
巍岑我無太山高我無滄海深斗水與堆阜恐未

慰此心

送李逢原

彌衡負其才沉沒鴛鴦洲李白負其才飄落滄江
頭後亦多効此才薄空羈囚文章本濟時反不能
自周吾嘗戒吾曹慎勿異爾流臧倉毀孟軻桓魋
迫聖丘雖云推之天未免皇皇求吾今重子學無
力薦公侯行當思吾言非教子佞柔

重送李逢原歸蘇州

吳客歸從楚霜華着馬蹄倦童持弊橐呼艇過寒
谿寂寞區中飯依稀日午鷄張儀猶舌在不必愧

於妻

黃國博遺銀魚乾二百枚

乾若會稽筍色比荊州銀熟宜煨栗火飲助擁爐
人低陰欲飛雪酒微生頰熱海上使方來多饜不
為餐

三和寄潘歙州

昔固聞陸海今復有潘江文章吞時英光芒瞻星

降

爾雅曰降妻全妻也

如游太室陽仰見玉女窻高才生大

國試政來遠邦道傍一相顧冰壺臨瓦缶逸驥美
豐肉老癯慙瘦腔藻詠荅下俚玉鈐鐙寶幢尋言

不悟言自关趣塊狔終知將門豪射鵰常貫雙

送天台李令庭芝

吾聞天台久未見天台狀去海知幾里去天知幾
丈峯嶺隱與出岳壑背與向雲雷反在下泉瀑反
在上幽深無窮窺杳眇無窮望至除可悸慄至怪
可駭喪石橋彎長弓跨絕絃未放當時白道猷平
步入青嶂去為六百石亦見志所尚子欲廣異聞
可以一尋訪

十一月十二日賽昭亭神

冷雨凝雪未成雪潭空魚寒歸石穴長篙扣穴倩

鯉魚寄信山頭來，莫說魚傳水鳥飛。上山山大槎
槎乾吹咽旋灰起，角巫鼓鳴漆俎銅盤顛。牲血瑟
琶嘈嘈神降言，福汝祐汝無災藥。西向啐飲東向
迴谿心，却望山崔嵬。

依韻和吳正仲冬至

流光冉冉即衰遲，物趣迴還似轉規。長景已知今
日至，孤懷不比少年時。阻陪上閣鴛鸞鳥，後且與
南州父老期。况有春禾新酒熟，百分休放手中卮。
施君挽歌

哀鐸悽悽裏，銘旌杳杳中。澗雲銷總帳，山雨入蒿

宮。世路行來久，泉途去莫窮。素吟應共葬，飲韻在
松風。

杜和州寄新醅吳正仲云家有海鮮約子
攜往就酌逡巡又云幙中有會且罷此飲
淮南寄我王醅酒，白蚶海月君家有。欲持就味明
日期窮，羨易覆已反手。從事開筵不可辭，燕脂秀
臉羅前後。長頸善謳，須贖謳。只恐老來歡意休。

依韻答吳正仲罷飲

君辭予家傾蟻醅，自有嘉味須持來。青篋絡餅方
出戶，紅粧侑席已邀杯。窮愁一飲猶闕分，側望群

賢不可陪靜坐紙窓無所得只將文字眼前堆

送王景憲奉職

清羸將家子苦節自寒儒四壁我何有一錢君亦
無下灘船亦急聞鴈日將晡行愛青山口人烟事
網眾

讀毛祕校新詩

毛公明於詩其系宜善續前示五長篇大湏傾幾
曲豈特元和間欬唾成珠玉

送允從上人還廬山

山高雲在下諸壑藏半空千重萬重覓正望落日

中不知野僧歸石徑寒易通松間無人掃墮葉如
斷髮獨行逢莫寒衣裂溪上風

依韻諸公尋靈濟重臺梅

梅要山傍水次栽非同弱柳近章臺重重葉葉花
依舊歲歲年年客又來雖愛千枝競繁密還嗟短
髮已衰頽即官博士留車騎擁蔽脩篁為斫開

和正仲再和罷飲

吳味期君強飲開楚醅因我破愁來何言合美將
虛館却憶爭妍就捧杯夜霰已先庭雪集單衣難
與毳裘陪踐盟幾欲驅車去塵事無端日日堆

和韻三和戲示

筇箐盡蛤瓦缸醅海若淮壩各寄來將學時人鬪
牛飲還從上客舞娥杯蓬蒿自有蔣生樂珠翠寧
容鄭氏陪莫計寒暄與風雪古來黃土北却堆鄭
成與盧子幹同事馬融融後堂
有珠翠之會康成不得預焉

嘉雪應祈呈權郡通判

臘近冬殘雲未合江南青蠟麥休肥誰將太守隨
車雨一夜從風作雪飛

依韻四和正仲

四和還如九醞醅更醇更美未嫌來相逢莫作兩

般眼一飲不辭三百杯嵇阮當時無俗慮山玉雖
貴亦能陪如今世態尤堪薄只把官資滿眼堆袁招

飲鄭云自旦至暮三百餘杯

雪

朔雲生晚雨臘霰集狂風不數花多出安知天更
工漫階夜已積萬物曉初蒙誰憶新豐酒乘驢灞
水東

宛陵先生文集目錄卷第四十三

和郭祥正見懷

採石月贈郭功甫

和郭秘校苦寒

和郭秘校偶作

送功甫還青山

送鄧生

送才上人

樂椽示新詩

曹虞部浩然堂

紅梅篇

和正仲見招

寄送吳通判

正仲求紅梅

初聞蛙

百舌

萬表臣報梅

隱靜山寄樹種

補題善惠禪齋

送萬殿丞虔州

野望

泛溪

春陰

新鷺

梨花

新笋

海棠

正仲遺蟹

老馬

自詠

鸚鵡

曉

朝二首

宣州雜詩二十首

打鴨

暝

夜

東溪

呂大監餉鯊魚

香鑪

茶磨

送白珙秀才

送閻丘殿丞

獻甫過

目錄終

卷之三

目錄

宛陵先生文集卷第四十三

依韻和郭祥正秘校遇雨宿昭亭見懷

君乘瘦馬來骨竦毛何長下馬與我語滿屋聲琅琅
一誦廬山高萬景不得藏出沒望林寺遠近數鳥行
鬼神露怪變天地無炎涼設令古畫師極意未能詳
誦說冒雨去夜宿昭亭傍明朝有使至寄

多驚俗章

郭來誦歐陽永叔廬山高送劉復

採石月贈郭功甫

採石月下聞謫仙夜披錦袍坐釣舫醉中愛月江
底懸以手弄月身翻然不應暴落飢蛟涎便當騎

魚上青天青山有家人謾傳却來人間知幾年在
昔熟識汾陽王納官貫死義難忘今觀郭裔奇俊
郎眉目真似攻文章死生往復猶康莊樹穴樛環
知姓羊

依韻和郭秘校苦寒

噫風鳴悲鳶鳴哀雨霰枯木爲之摧昭亭山頭野
火滅海水夜凍迷蓬萊燭籠以爪自掩耳酒盞生
冰拈不起陶潛棄官屋無米兒嚎妻啼付隣里

依韻和郭秘校昭亭山偶作

知君棄官後江上尋名山心旣慣世內迹欲還人

間昭亭忽來過覽古興長歎野寺拂塵壁丹陽已
爛煇殿角虛寶鐸微風聲珊珊遺像與筆蹟始得
觀裴顏淺井何泠泠前溪何潺潺幽幽隨猿鳥渾
渾忘區寰裂裳不爲媿餌芝不爲難坐對寒雨中
松上孤鶴還

送郭功甫還青山

來何遲遲去何勇羸馬寒僮肩竦竦昨日棄爲梅
福官扁舟早勝大夫種負經不厭關山遙訪我猶
將歲月恐得言會意若秋鷹反翅歸飛輕飽斃明
朝到家年始開椒花壽酒期親捧何當交臂須強

行莫作區區事丘壠

送鄧生

哀哀彼鄧子扶柩歸長沙朝暮哭失聲驚聒墻上
鴉飛去復飛還相與棲水涯卜葬不當緩早晚能
到家

送才上人還雪竇寄達觀禪師

春雪滿蓑笠海邊先鷺歸千林新改葉百衲舊來
衣谿水從何至山雲自解飛報言崑下客齋鉢筍
應肥

樂椽自淮南迴示新詩

淮南歷覽還宣城囊多嘉句何冰清入門先叫十
年兄袖中大卷持來評我雖暗愚眼不盲要識合
如劉長卿舉頭不言笑且驚此兄議論頗稱情我
亦感君知我名阮籍從呼作老兵

蘇州曹琰虞部浩然堂

姑蘇臺上麋鹿嘯夫差城中樓觀高荒榛盡已付
明月萬古憤怒空秋濤吳亡越霸能幾日後世擾
擾猶鴻毛孟軻善養浩然氣充塞天地無飢瘝慕
而為堂亦有意不學屈子成離騷

紅梅篇

昨夜輕雷起風雨芍藥紅牙竹欄土南庭梅花如
杏花東家殘朱塗頰醜萼爲裳衣藥爲組枝爲高
居榦爲戶蛺蝶未生蜂未來赤身掩斂無金縷終
然有子當助傳說羨落亦不學飛鸞皇后迴風舞
此意又笑麻姑與王母勾引何人擗麟脯是非方
朔謾漢武只知此桃不知語樹不着口數而今言
之已莫補放我渾丹鳳皇羽

依韻和吳正仲聞重梅已開見招

難開密葉不因寒誰翦鵝兒短羽攢猶是去年驚
目艷不知從此幾人觀重重好藥重重惜日日攀

枝日日殘我爲病衰方止酒願携茶具作清歡

寄送吳公明屯田通判秦州

一聞春禽淒餅焦竹林山木生蕭條憶君將向洛
門去胡馬無塵塞路遙將軍本是漢丞相玉帳坐
辨牙旗梟白面書生有肝膽少年曾過咸陽橋今
雖老病由廬巷爲報緩制秦兵驕

吳正仲求紅梅接頭

君家梅溪上但見梅花白我家家樹紅求枝寄歸
客翦接如交情本末不相隔明年舉酒時醉頰生
微赤

初聞蛙

朝開南籬梅暮聞北池蛙何時科斗生草根已吐
牙只畏草葉長其下可隱虵游子且勿行科斗成
蝦蟇

百舌

一冬常噤默乘春何多舌蒼毛無文章尖啄苦騰
說曉升高高樹百鳥言漏泄只未聞鳳皇有亦學
不徹傷哉古辯士往往遭車裂

萬表臣報山傍有重梅花葉又繁諸君往
觀之

前時見多葉曾何數尋常今見葉又多移賞南澗
陽寄言莫苦恃更多殊未央

去臘隱靜山僧寄榷樹子十二本栢樹子
十四本種於新墳

栢栢移皆活風霜不變青冢垣雖閒寂田客每丁
寧不待爲書几常流作鬼庭東邊夾路少更致儻
能令

補題東都善惠師禪齋

香象紅蓮坐花盆白石臺上公金印去王子玉駒
來心是寒餅水明無寶境埃世人何擾擾時爲一

言開

送萬殿丞虔州安遠軍

新雷動江雨百鳥響溪巖逆水送行客順風催挂
帆過山唯廟敬團飯與烏銜太守雖怜舊須防有
嫉讒

野望

新晴宜野望最愛是山前遠近花兼竹高低水拍
田呼名鳥無數問姓客多年此地春耕晚吳牛樹
底眠

泛溪

中流清且平捨楫任舡行漸近鷺猶立已遙村覺
橫何妨綠樽滿不畏晚風生屈賈江潭上愁多未
適情

春陰

雲獸生花房冷風開柳絮遲幽人宿醒在靜館晝眠
時欲雨天無雨將絲鬢未絲孔融過五十歲月已
堪悲

新鷺

前時春社畢今日鷺來飛將補舊巢缺不嫌貧屋
歸啼泥和草梗側翅過柴扉豈比鷺丸雀迎人欲

拂衣

梨花

處處梨花發看看鷺子歸園思前法部淚濕舊宮
妃月白鞦韆地風吹蛺蝶衣強傾寒食酒漸老覺
歡微

新筍

挑筍春雷後晴坡過雨時何言江外早已比洛陽
遲園客自偷賣主人那得知徒令養新竹待與作
藩籬

海棠

要識吳同蜀須看線海棠燕脂色欲滴紫蠟蒂何
長夜雨偏宜着春風一任狂當時杜子美吟徧獨
相忘

二月七日吳正仲遺活蟹

年年收稻賣江蟹二月得從何處來滿腹紅膏肥
似髓貯盤青殼大於盃定知有口能噓沫休信無
心便畏雷幸與陸機還往熟每分吳味不嫌猜

老馬

馬御史所留

吳人惜燕駿燕馬卧吳家毛骨從前貴關山欲去
賒草深閑楚澤力盡憶胡沙御史乘來久時逢避

路駟

自詠

閉戶無還往端居廢禮容
花爲貧富歎鷺是雀過
從持屐對人蠟綻衣看婦縫
非同叔夜傲切莫怪踈慵

鸚鵡

一入秦宮去千山隴樹秋
能言依婦女學語類俳
優玉鑠開拘束金籠不自
由哀良是黃鳥死爲穆
公羞

曉

烏蟾不出海天地無明時
萬國睡未覺一聲鷄已
知樹頭星漸沒枝上露應
垂人世紛紛事勞勞只
自爲

朝二首

鷺鴨出欄去兒童臨水驅
欲開花泫露聚噪鳥窺
厨秣馬刈青草買薪嫌五
銖錢刀豈今古村叟一
何愚

木鑠初開水上城竹籬深
閉日光生青苔井畔雀
兒關烏臼樹頭鴉舅鳴世
事但知開口笑俗情休
要着心行是非不道任挑
撻唯憶當時阮步兵

宣州雜詩二十首

昭亭萬仞山古廟半山間
賽雨使君去釣潭漁父
閑巖肥嵒向日竹暗壠
連關北望高樓上南飛鳥
自還

三洲灘口急兩水渡頭來
下過淵聖彞宅上通巖子
臺潺湲瀉寒月滉漾照春梅
白鷺驚起處魚多見
底迴

一過響山畔常思路中丞
開亭宴貔虎制賊象冰
蠅舊刻多磨滅今人少有稱
茸茸春草長時有牧
牛登

伍員奔吳日蒼皇及水濱
彎弓射楚使解劍與漁
人抉目觀亡國鞭尸失舊臣
猶為夜濤怒來往百
川頻

每見昭亭壁高瓌筆墨存
丹青虛格裏雲霧碧紗
痕鳥屎常愁汚蟲絲幾為捫
貴來曾改觀世故有
誰論

信讒多見逐伐國豈無仁
屈子行江畔昭王問水
濱包茅曾責貢香草自持紉
奔蒼山川在漁歌屬
野人

項籍路由此力豪聞拔山
八千提楚卒百二破秦關

咳下園歌合江頭匹馬還却思諸父老相見亦何顏

細雨春岡滑無因駐馬蹄裘單懷後侶風急過前溪近寺聞魚鼓穿林聽竹雞田家春正急炊飯待鋤犁

古有琴高者騎魚上碧天小鱗隨水至三月滿江邊少婦自撈撻遠人無弃捐憑書不道薄賣取青蚨錢

諸葛久精妙已能聞國都紫毫搜老兔蒼鼠拔長鬚露筥荷明淨煙丸事漆濡班超投此去死作玉

關夫

大實木瓜熟駝枝常畏風帖花先漏日噴露漸成紅青箬包山舍馳心奉漢宮誰將橐駝載辛苦向驕戎

竿頭注腐鼠水次野蜂知每視銜飛翅因薰麝取罈絳囊千里道乾螭百鈞馳盡入公侯第雕盤助酒卮

高林似吳鴨滿樹蹠鋪鋪結子繁黃李炮仁瑩翠珠神農本草闕夏禹貢書無遂壓葡萄貴秋來徧上都

鳥命若楊葉夜棲雞翼間情知羽毛薄自禦雪霜
難相託爲溫煖終非學附攀猶勝居鷓握憂懼得
生還

柳子厚鷓說云

高齋謝公歿此地即危樓不改窓中岫無停川上
舟壁陰綠薛荔城暝笑鷓鷯萬井曉煙合素霓橫
樹頭

北客多懷北庖羊舉玉卮吾鄉雖處遠佳味頗相
宜沙水馬蹄驚雪天牛尾狸寄言京國下能有幾
人知

五月黃梅肥終朝密雨微綠苔侵竹閣潤氣裛人
衣背隴露牛去嚼蟲濕鷺歸高山發瀑水夜漲入
吾扉

斫漆高崖畔千筒不一盈野糧收橡子山屋點松
明只見樹堪種曾無田可耕兒孫何所樂向此是
平生

傳道零陵守茲亭暫解裝分群同鴈鴛幾日到瀟
湘班竹思虞舜潁渚憶楚王殷勤吏部句今亦誦
無忘

宛水過城下滔滔北去斜遠舩來橘蔗深步上魚
蝦鵝美冒椒葉蜜香聞稻花歲時風俗美笑殺異

鄉槎

打鴨

莫打鴨打鴨驚鴛鴦鴛鴦新自南池落不比孤洲
老禿鷓鷃鷓鷃尚欲遠飛去何況鴛鴦羽翼長

暝

杳杳鍾初發昏昏戶閉時巢禽投樹盡疲馬入城
遲醉唱眠苑屋燒光透槿籬荷鋤休帶月亭長豎
毛眉

夜

日從東溟轉夜向西海沉群物各已息衆星燦然

森蝦蟆將食月魑魅爭出陰阮籍獨不寐徘徊起
彈琴

東溪

行到東溪看水時坐臨孤嶼發船遲野鳧眠岸有
閑意老樹着花無醜枝短短蒲茸齊似翦平平沙
石淨於篩情雖不厭住不得薄暮歸來車馬疲

呂大監餉鱖魚十尾

日暖楊花四散開江邊鱖魚無數來伊魴洛水不
堪憶丙冗漾陂何可咍賀監休思鏡湖去應知李
白跨鯨迴

香鑪

李獻甫惠

鐵鑄小香爐壁環平口鋪麝焚葵葉大獸齧竹根
跌淨几羣書外閑堂一物無中間任灰燼終與蕙
蘭俱

茶磨二首

楚匠斲山骨折檀爲轉齧乾坤人力內日月蟻行
迷吐雪誇春茗堆雲憶舊溪北歸唯此急藥臼不
須擠

盆是荷花磨是蓮誰龍石麻石洞中天欲將雀舌成

雲末三尺蠻童一臂旋

得自三天洞吳氏

送白珙秀才

谿上桃花發山前桂舸移水流過峽急風逆出江
遲南國魚蝦馱東都夢寐思逢人若有問不似在
朝時

送閻丘殿丞

每有西歸客誰無滿袖詩都忘將別意競媚向官
資憑在屋頭月照君牆上旗不同山一定更遠更
相隨

獻甫過

幾樹桃花夾竹開阮家閭巷長春苔啓扉索馬送

客出忽覺青紅入眼來

卷四十三

七

宛陵先生文集卷第四十三



